



ՀԱՍՏԱՏՈՒՄ ԵՄ՝
Շրջակա միջավայրի նախարար

Համբարձում Մաթևոսյան

«28» 10 2025թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 249 - 25

Նախաձեռնող՝

Դավիթ Սուքիասյան

Կոտայքի մարզ, Արուսեան համայնք, Առինջ բնակավայր, Պ. Սևակի թաղամաս, 10 փողոց 3

Գործունեությունը՝

Արարատի մարզի, Արտաշատ համայնքի, Արտաշատ
բնակավայրի Ա. Խաչատրյան փողոց 116/1 հասցեում
նախատեսվող բնակելի բազմաֆունկցիոնալ համալիրի
կառուցում

Առդիր՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 249 - 25

«28» հոկտեմբերի 2025թ.

Արարատի մարզի Արտաշատ համայնքի Արտաշատ բնակավայրի Ա. Խաչատրյան փողոց 116/1 հասցեում նախատեսվող բնակելի բազմաֆունկցիոնալ համալիրի կառուցման շրջակա միջավայրի վրա ազդեցության գնահատման հաշվետվություն

Նախաձեռնող՝

Դավիթ Սուքիասյան

Փաստաթղթի տեսակը՝

Շրջակա միջավայրի վրա ազդեցության
գնահատման հաշվետվություն,
նախագծային փաստաթղթեր

Գործունեության տեսակը՝

«Բ» կատեգորիա

Գտնվելու վայրը՝

Արարատի մարզ,
Արտաշատ համայնք, Արտաշատ բնակավայր

Ներածական մաս. Դավիթ Սուքիասյանի կողմից փորձաքննության ներկայացված նախատեսվող գործունեության նպատակն է Արարատի մարզի Արտաշատ համայնքի Արտաշատ բնակավայրի Ա. Խաչատրյան փողոց 116/1 հասցեում կառուցել բնակելի բազմաֆունկցիոնալ համալիր:

Համաձայն «Շրջակա միջավայրի վրա ազդեցության գնահատման և փորձաքննության մասին» օրենքի 12-րդ հոդվածի 4-րդ մասի 8-րդ կետի բ. ենթակետի՝ նախատեսվող գործունեությունը հանդիսանում է «Բ» կատեգորիայի գործունեության տեսակ:

Կառուցապատվող հողամասի նպատակային նշանակությունը բնակավայրերի է, գործառնական նշանակությունը՝ հասարակական կառուցապատման, գրանցված իրավունքի տեսակը՝ սեփականություն:

Արտաշատ համայնքի ղեկավարի կողմից 2025 թվականի ապրիլի 9-ին տրված № ՆԹ-0408-25 նախագծման թույլտվության (ճարտարապետահատակագծային առաջադրանք) համաձայն՝ նախագծվող հողամասի գործառնական նշանակությունը հասարակական կառուցապատումից փոխվել է բնակելի կառուցապատման:

Նկարագրական մաս. Գեոմորֆոլոգիական տեսակետից ուսումնասիրվող տարածքը գտնվում է Արարատյան ակունուլյատիվ գոգավորության կենտրոնական հատվածում, որտեղ ռելիեֆը հարթ է, իսկ բացարձակ նիշերը տատանվում են 832 – 833 մետրերի սահմաններում (քանի որ բացակայում էր գեոդեզիական հանույթը, այդ պատճառով նիշերը վերցվել են «Google Earth» ծրագրից, որն ունի որոշակի շեղում իրական բացարձակ նիշերից):



Հիդրոերկրաբանական տեսակետից հետազոտվող տեղամասում առկա են գրունտային ջրեր, որոնք ունեն ընդհանուր տարածում, սնուցվում են մթնոլորտային տեղումների և ձնհալի հաշվին և հանդիպում են չորրորդական հասակի լճային նստվածքներում: Գրունտային ջրերի հորիզոնը փորված հորատանցքերով հատվել է 3,5-4,2 մետր խորություններում:

Ֆիզիկաերկրաբանական վտանգավոր երևույթներ, ինչպիսիք են՝ կարստը, սողանքը, քարաթափությունը, փլուզումը և այլն, բացակայում են:

Բնութագրվող տարածքը գտնվում է զարգացած համայնքային միջավայրում, ուստի տեղանքում չկան որևէ էնդեմիկ կամ Կարմիր գրքում գրանցված բուսատեսակներ և կենդանական տեսակներ, ինչպես նաև բացակայում են տարածքով անցնող միգրացիոն ուղիները՝ տարածքի և հարակից վայրերի յուրացված և ուրբանացված լինելու պատճառով: Նախատեսվող գործունեության տարածքը չի առնչվում բնության հատուկ պահպանվող և (կամ) պատմամշակութային հուշարձանների հետ:

Նախագծվող բնակելի բազմաֆունկցիոնալ համալիրի հողամասը գտնվում է Արարատի մարզի Արտաշատ համայնքի Արտաշատ բնակավայրի Ա. Խաչատրյան փողոց 116/1 հասցեում: Համալիրի վերին հարկերում նախատեսված է բնակելի հատվածամաս 222 բնակարանով: Բնակելի համալիրի հարկայնությունը նախագծված է 7-9 վերգետնյա հարկեր և 1 ստորգետնյա հարկ՝ նախատեսված որպես ավտոկայանատեղի:

Շինության առաջին հարկը նախատեսված է որպես հասարակական սպասարկման մասեր՝ առևտրային մաս, ընդհանուր 2157.3 քմ, և բնակելի մասի մուտքեր:

Համաձայն շինարարական նորմերի՝ հաշմանդամ և բնակչության սակավաշարժ խմբերի կենսագործունեության ապահովման համար նախատեսված են բոլոր անհրաժեշտ պայմանները:

Շենքերի ջեռուցումն իրականացվելու է յուրաքանչյուր բնակարանի խոհանոցում տեղակայված տուրբո համակարգի գազի կաթսաներից:

Բնակարանների սանհանգույցներից և խոհանոցներից օդի արտածումը բնական է լինելու:

Բնակելի համալիրի ջրամատակարարումն ու ջրահեռացումն իրականացվելու են՝ համաձայն տեխնիկական պայմանի:

Կառուցապատողն օրենքով սահմանված կարգով դիմել է ՀԷՑ ՓԲԸ-ին՝ էլեկտրամատակարարման տեխնիկական պայմաններ ստանալու համար:

Տեխնիկատնտեսական ցուցանիշներն են՝

- հողամասի ընդհանուր մակերես՝ 6858 քմ,
- հողամասում առկա շինության ընդհանուր մակերեսը (քանդման ենթակա)՝ 4945.11 քմ,
- նախագծվող շինության զբաղեցրած մակերեսը 0.00 նիշում՝ 2516 քմ (36.7 %),
- նախագծվող շինության ընդհանուր մակերեսը (բոլոր հարկերը միասին)՝ 25768.4 քմ,
- կանաչապատ մասի ընդհանուր մակերեսը (ջրանցիկ մասեր)՝ 2778.5 քմ (40.5%)
- անջրանցիկ մասի ընդհանուր մակերեսը՝ 1563.5 քմ (22.8 %),
- բնակելի համալիրի հարկայնությունը՝ եզրային մասեր՝ 9 հարկ, միջին հատված՝ 7 հարկ,
- առավելագույն բարձրությունը հատակագծային նիշից՝ 33 մ,
- բնակարանների ընդհանուր քանակը՝ 222 բնակարան,
- ստորգետնյա հարկի մակերեսը (ե/բ սալի արտաքին եզրագծով)՝ 2607 քմ,
- ստորգետնյա ավտոկայանատեղիների քանակը՝ 54 կայանատեղի,
- բացօթյա ավտոկայանատեղիների առավելագույն քանակը՝ 65 կայանատեղի:





ազդեցությունների բացառման և նվազեցման համար նախատեսվում են մի շարք միջոցառումներ, որոնք տրված են հաշվետվության համապատասխան բաժիններում:

Բազմաբնակարան բնակելի համալիրի շինարարական աշխատանքների ընթացքում նախատեսվում է իրականացնել շրջակա միջավայրի վրա բացասական ազդեցության կանխարգելման/մեղմացման ուղղված հետևյալ մշտադիտարկումները.

- մթնոլորտային օդը աղտոտող նյութերի (փոշի, CO, NOx և այլն) արտանետումների որակական և քանակական պարամետրերի պարբերական չափումներ՝ ամիսը մեկ անգամ հաճախականությամբ,
- օդի դրական ջերմաստիճանի դեպքում շինարարական հրապարակը, բացառությամբ՝ վերանորոգվող և վերակառուցվող փողոցների, օրվա ընթացքում պարբերաբար ջրել՝ բացառելով կեղտաջրերի թափանցումը շինարարական հրապարակի սահմաններից դուրս,
- օգտագործված մեքենայական յուղերով ու քսայուղերով հողերի հնարավոր աղտոտումից խուսափելու նպատակով հողերի աղտոտվածության մշտադիտարկումներ՝ երեք ամիսը մեկ անգամ հաճախականությամբ,
- աղմուկի և թրթռումների մշտադիտարկումներ՝ երեք ամիսը մեկ անգամ հաճախականությամբ,
- կենսաբազմազանության մշտադիտարկումներ՝ կարմիրգրքյան տեսակներ հայտնաբերելու դեպքում անհապաղ հայտնելով համապատասխան լիազոր մարմիններին:

Պատճառաբանական մաս. Հաշվետվության գնահատման և փորձաքննության գործընթացներում, օրենսդրությամբ սահմանված կարգով, Արարատի մարզի Արտաշատ համայնքի ղեկավարի նստավայրում անցկացված հանրային լուսման ժամանակ նախատեսվող գործունեության իրականացումը մասնակիցների կողմից արժանացել է հավանության:

Հաշվետվության վերաբերյալ փորձաքննական գործընթացում ստացվել են կարծիքներ առողջապահության, ներքին գործերի, կրթության, գիտության, մշակույթի և սպորտի նախարարություններից, քաղաքաշինության կոմիտեից, կադաստրի կոմիտեից, Երևանի քաղաքապետարանից, ինչպես նաև շրջակա միջավայրի նախարարության ստորաբաժանումներից: Ստացված դիտողություններն ու առաջարկությունները հաշվի են առնվել հաշվետվության լրամշակման մեջ:

Ամփոփելով հաշվետվության բնապահպանական և սոցիալական ազդեցությունների վերլուծությունները՝ կարելի է եզրահանգել, որ նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները, որոնք առնչվում են շինարարական աշխատանքների հետ, կկրեն ժամանակավոր և տեղայնացված բնույթ և կլինեն թույլատրելի նորմայի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

Փորձաքննական պահանջներ

1. Շինարարության ընթացքում ապահովել բնապահպանական կառավարման և մոնիթորինգի պլաններում նախատեսված միջոցառումների իրականացումը սահմանված ժամանակահատվածում:



2. Շինարարական աշխատանքների իրականացման ընթացքում առաջացող շինադրի և թափոնների հեռացումն ու տեղափոխումն իրականացնել ՀՀ օրենսդրությամբ սահմանված կարգով՝ տեղական ինքնակառավարման մարմինների կողմից հատկացված վայր:
3. Կառուցապատման աշխատանքների ընթացքում պահպանել «Մթնոլորտային օդի պահպանության մասին» օրենքի 11-րդ հոդվածով սահմանված պահանջները:
4. Աշխատանքների իրականացման ընթացքում առաջնորդվել ՀՀ կառավարության 2002 թվականի ապրիլի 20-ի N 438 որոշման 43-րդ կետի պահանջով՝ աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից դադարեցնել աշխատանքները և դրա մասին անհապաղ հայտնել լիազորված մարմին:
5. Մինչև կառուցապատման աշխատանքների սկսելն անհրաժեշտ է սպասարկող կազմակերպությունների կողմից տրամադրված տեխնիկական պայմաններին համապատասխան մշակել ինժեներական ենթակառուցվածքների վերջնական նախագծային փաստաթղթերը և դրանք համաձայնեցնել իրավասու մարմինների հետ:

ԵԶՐԱՓԱԿԻՉ ՄԱՍ

Դավիթ Սուքիասյանի կողմից ներկայացված Արարատի մարզի Արտաշատ համայնքի Արտաշատ բնակավայրի Ա. Խաչատրյան փողոց 116/1 հասցեում նախատեսվող բնակելի բազմաֆունկցիոնալ համալիրի կառուցման շրջակա միջավայրի վրա ազդեցության գնահատման հաշվետվությանը տրվում է պետական փորձաքննական դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող



Հերիքնազ Մկրտչյան

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ՝

Հովակիմ Ֆրունզիկյան